

www.BibleForChildren.org

Matiyu 26



Tānpākaŋ

Pasova

Orekirit kadāni

kepma 6 ude

kerāp tānirān Jesu

Betani yotpārare-ken

kuŋkuk. Betani uwā Lasarus,

āma Jesutā kumbani-ken nanik

wādāŋ tādotkuko unitāŋo

kome. Naŋ irirā Mariatā

pābā ume gwāki ārowani,

kābāni sākgāmān ikekpāŋ Jesu

kuroŋi-ken piŋ ibatkuk. Piŋ ibatpāŋ

gwāki pujiŋpāŋ kuroŋi tāŋ-kohoyāŋkuk. Tānirān ume

unitāŋo kābāni āma pāke itkunjo u nadāŋkuŋ.



Tänpäkan iwaräntäkiye 12 u bämopi-ken nanik kubä wäpi Judas Kariot unitä Jesu iwan keru terak kan pewa yän nadänkan bämop äma intäjukun tänpänitä itku-ken u pänku yäwetkuk. Ude tänjirän bänep täga nadänpän monen api gamine yän iwetku. Judastä u nadänpän pänku iwan keru terak kan pewa yänkan Jesu iwaräntän yäpmän kuñatkuk.




Ude yäweränkaŋ iwaräntäkiye
Jesutä man yänkuko udegän
päŋku yot mähemi u iwetkaŋ Pasova
täŋtuŋum täŋkuŋ. Eruk ketem naŋ
irirä Jesutä käräga kubä yäpmänkaŋ
Anutu bänep täga man iwetkaŋ tokät
jukutpäŋ iwaräntäkiyeta ŋode
yäwetpäŋ yämiŋtäŋ kuŋkuk; No
yäpmänpäŋ naŋput. Nowä
näŋŋo gupna yäk.




Ude yänpän wain ume yäpmänkan
Anutu bänep täga man iwetpän
iwaräntäkiye node yäwetpän
yämintän kunjuk; In kudup no
nanput. Nowä näkno nägätna.
Anututä ämawebe-kät
topmäk-topmäk täyak u
täñkehärom takta. Tänpän
ämawebe mäyap täño momi
awähuretta
yänpän nägätna
piwayän täyat.



Jesutä ude yänpän Saimon iwetkuk; Saimon, Satantä
in tänpän-tabäwayän yäyak. Ämatä wit mujipi-kät
gupi yäpmän danik täkan ude tänpayän nadätak. Unita
Saimon nanakna, nadäkinikka paoränpän bänepka
gapun täwek yänpän gäka Nanaken yänapik man yät.
Ude täro unita gäk äneni näkken äbayän täyan-ken
uken Anutu täno man
kädet notkaye
yäwet täpänek kan
tä.



Ude yäwänä Pitatä node iwetkuk; Ekäni gäkä komi eniken iriwä näk komi eniken bok itta pidäm täyat. Ba gäk gutpäñ näk imaka nutta yäwäwä api pidäm täwet. Yäwänä Jesutä iwetkuk; Pita, node gäwera nadä. Apiño bipani purup gera nämo yänjirän gäkä kadäni yaräkubä wäpna käbop pewayän.



Tänpän Jesu
iwaräntäkiye-kät
kuntängän Getsemane
epän tobätken ahänpän
yäwetkuk; In node irirä
näkö pänku yänapik man
yawayän yäk. O nan, gäk
imaka kubä tänpayän nämo
bäräp tak täyan. Unita
komi bäräpi nadäwayän
täyat u ketären namisi.
Upänkañ näkno nadäk
nämo, gäkñaken nadäktä
kañ ahäwän.



Ude nadänpän komi äma ätukät bämop äma ba Parisi
täno watä äma ätu yämaguränkan epän uken kunkuḡ.
Topän ijiḡ-yäḡenpän yäpmänkan kadä boham
ikek kunkuḡ. Ude yänpän iwaräntäki kubätä
bämop äma kubä täno watä äma
kubä ura yäkḡat jukuni bure
kädapän painkuk. Täḡirän
Jesutä kanpän yänkuk; Ai!
Ude täḡpeno! Ude yänpän
äma u jukuni yäpmänpän
äneḡi irani ude peḡ imiḡkuk.



Ude tänpän Jesu init yäpmän bämop äma intäjukun
tänpänitä eni gänañ äronkuñ. Täñirä Pita uwä
bankentä yabäñit yabäñit yäwatkuñ. Täñirän
komi äma yewa gänañ äro
kädäp ijinpän äñäriñ
irirä Pita imaka, äro
bämopi-ken itpän kädäp
penta äñäriñ itkuñ.



Ude yävänä bämop äma
intäjukun tänpani täño
watä äma kubä, Pitatä
jukuni madän
täkņenķuko unitä
äbotken naniktä yänķuk;
Piäken bok irirän tabäro u
gäkkät irirän tabät yäk.
Bure? Yävänä Pitatä yänķuk;
Nämoinik! Ude yävänä
uterakgän purup gera yänķuk.
Man u juku piņpän bänepi-ken
jägämi pähap nadänpän äpäman
pänķu konäm bumta kotķuk.





Eruk, käbeyä täñ itkunjo u
kuduptagän akun-kirenpän Jesu
yäniknat yäpmän pänku Pailat
inamiken tenkun. Ude yäwäwä
Pailattä Jesu iwet yabänkuk; Gäk
Juda täño intäjukun
äma ba? Yäwänä Jesutä
iwetkuk; Yäyan ubayän.
Tänpäkan Pailattä Jesu pit
imayän nadänkuko unita

ämawebe päke u yäwetkuk.
Yäweränä äneji gera

kehäromigän yänkun; Päya
kwakap terak kumän-kumän ut!




Ude yäväkan Pailattä Jesu
päya kwakäp terak utta yäniñ
kireñkuk. Tänpäkan komi ämatä
Jesu initpäñ päya kwakäp imä
buramiwänkan kome kubä wäpi
Gwäki Kokäp (u Juda man terak
Golgota) uken kuñkuñ.



Pänku kome uken ahänpän päya kwakäp
terak utkuṅ. Tänpäkaṅ äma waki
tänpäni yarä, bok däpmänpän kubä
kukṅi kubä kukṅi, Jesu ini
uwä bämop
tenkuṅ.



Tänpän kome kepma bämopi täñirän kome dapuri
kumbuk. Kumäñirän kome kudup bipmäng utpän it
yärmäng kuñirän 3'kirok täñkuk. Täñirän kudupi eni
gänañ tek tañi bagata pewä wädäwani
u punin ununitä komen umu ini
wewän tärenkuñ. Täñirän
Jesutä gera yänpän yänkuk;
Nan! Kehäromina ketka-ken
peyat! Ude yänpän kumbuk.



Sabat keräp tañirän eruk bipäda
Juda täño äma ekäni kubä wäpi
Josep u äbuk. U komeni
Arimatea. Uwä Anututä
intäjukun itkañ yabäñ
yawat piäni kwawak
ahäñirän kakta
itsämäntäñ kuñat
täñkukonik.

Eruk, äma unitä
Pailat-ken umunkät
nämo, bätakigän
kuñpäñ Jesu täño gupi
awañ gänañ änehta
iwet yabäñkuk.



Nadän iminjirän Joseptä pänku tek
paki suwanpäñ, Jesu täño gupi
päya kwakäp terak nanik
ketären päpä tek yäpuko
unitä uwäk täñkuk. Ude
täñpäñ mobä awañ
kodaki kubä äma
kumbani pekta
biñam änenpani u
gänañ penkuk.

Penpäñä mobä kubä
pimiñ iwat-pewän
päñku mobä awañ
meni uwä yäput
pipiñkuk.



Eruk pänku patkuŋo kome yänewänä
Sarare-ken bämop äma
intäjukun tänpani-kät
Parisi äma ätukät
Pailat-ken kuŋkuŋ.



Kunpän iwetku; Ekäninin, man
kubä nadämäjo u gäwetna; Jop
man yäwani ukejo kodak
itkanj node yänkuk; Näk
kumänkanj edap
yaräkubä tärenjirän
kodak tanpänj api
akwet yäk.



Ude yäweränkanjä komi ämakät penta
päñku awañ meni ket
täñpäñ täñpipinpäñ komi
ämatä watäni itkun.



Tänpäkan Juda täno Sabat kadäni
tärenjirän Sande tamiinik Maria
Makdala komeken nanik ukät
wahupi Maria Jesu awaŋ
gänaŋ änenkuŋo u käda
yänkaŋ kunjumän.

Tänpäkan kadäni
ukengän koŋ
Pähap kwainjirän
Ekäni

täno aŋero kubätä
kunum gänaŋ naniktä
äpänpän mobä awaŋ
meni-ken tänpipiwani
u yäpmän kewenpewän
päŋku parirän
uterak maŋitkuk.



Täjirän komi äma u kanpäñ
umun pähap nadäñpäñ kwainpäñ
kumäñ manpäñ pattäñ
kunkuñ.



Tanjirä webe yarä unitä ahäwänä
ađerotä yäwetkuk; Ek
umuntädeņo yäk. Näk
nadätat, Jesu päya
kwakäp terak utkuņo
u kädayäņ äbäkamän
yäk.



Upänkanj no nämo itak. U man bian
täwetkuko udegän akumanj kuk.
Ek abänkanj patpat bägupi
no kawun yäk.




Tänpäkan webe yarä uwä
umuntankumäno upänkan awan
penpen kunkan oretoret terak
iwaräntäkiye yäwetdayän
bäränen kunkumän. Kunjirän
kädet minin Jesutä pengän
ahän yämimpän tamiman yän
yäwetkuk.



Tamimaŋ yäŋ yäweränä
gukut imäpmok tänpäŋ kuroŋi
iŋitpäŋ iniŋ oretkumän.





Eruk, u punin terak iwaräntäkiye 11 u yot kubäken ketem naŋ irirä ahäŋ yäminpäŋ ŋode yäwetpäŋ yabäŋ yänkuk; Imata nadäkinikjin nämo itkaŋ? Ba imata notjiye ätu kodak irira nabänpäŋ biŋam täwetkuŋo u nadäwä bureni nämo täkaŋ? Eruk Ekäni Jesutä man ude yäwet morenpäŋ irirän Anututä imagut yäpmäŋ kunum gänaŋ äronkuk. Äronkuko uken Anutu keri bure käda itkukotä itak.



Anututä komen
ämawebeta nadän
yämik-inikinik täŋkuko unita nanaki tepi
kubägän u tewän äpuk. Ude täŋkuko
unita ämatä u nadän iminpäŋ
kuŋatnayän täkaŋ uwä paot-inik nämo
api täneŋ. Nämo, u irit kehäromi
apikaŋ-ahäneŋ.



Rom 3:23 Nämoinik, ämawebe nin kuduptagän momi tängpani unita Anutu penyänek mähemi ukät kunum gänäñ bok itnañi nämo.

Rom 6:23 Eruk, unita äneñi ñode nadawut; Momitä epän ämaniyeta gwäki yämik täyak uwä kumän- kumän tärek-täreki nämo. Tänpäkañ Anututä iron kowatani nämo täng nimik täyak uwä Ekäninin Jesu Kristo terak irit kehäromi tärek-täreki nämo u.

Hibru 9:27 Tänpäkañ ämawebe kuduptagän kadäni kubägän kumäkta yawani. Kumänpäñä täktäki yäpmän danik-danik käbeyä-ken api äronen.



Efesus 2:8,9 Unita ḡode yäwa; Nadäkinik terak Anutu täḡo bänep iron unitäḡän waki kerik-ken nanikpäḡ tämagutkuk. U intä imaka kubä täḡirä kaḡpäḡ unita nämo tämagutkuk. Nämo, iniken bänep irona yänpäḡ jop tämagutkuk. Unita äma kubätä iniken wäpi biḡam täga yäpmäḡ akunaḡi nämo. U imata, intä piä täḡirä unita yänpäḡ nämo tämagutkuk.

Rom 10:9,10 Bureni, mejintä Jesu u Ekäninin yän yänahänit, bänepjintä Anututä Jesu kumbani-ken nanik yäpmäḡ akunḡuko unita nadäkinik täḡ imiḡirä Anututä ini api tämagurek. U imata, bänepnintä Jesuta nadäkinik täḡitna Anututä siwoḡi ämawebe yän yänätäreḡ nimik täyak, ba menintä nadäkiniknin u yänahänitna inita biḡam nimagut täyak.



Jon 3:16,17 Anututä komen ämawebeta nadän yämik-inikinik tänkuko unita nanaki tepi kubägän u tewän äpuk. Ude tänkuko unita ämatä u nadän iminpäñ kuñatnayän täkañ uwä paot-inik nämo api täneñ. Nämo, u irit kehäromi api kañ-ahäneñ. Anutu uwä Nanakna komen ämawebe manken kañ yepmañpäñ yänpäñ nämo tewän äpuk. Nämo, u komen ämawebe yäpäñ tägakta yänpäñ nanaki kubägän-inik uwä iniñ kireñkuk.



1 Jon 5:11-13 Tängkaŋ man bureni uwä ɲode; Anututä irit
kehäromita biŋam nipmanpän itkamaŋ. Tänpäkaŋ irit
kehäromi unitäŋo mähemi u Nanaki ubayäŋ. Ämawebe
Nanaki-kät kwasikotpäŋ kuŋat täkaŋ uwä irit kehäromita
biŋam täk täkaŋ. Täŋ, ämawebe Nanaki-kät nämo
kwasikotpäŋ kuŋat täkaŋ uwä irit kehäromita biŋam
nämo täk täkaŋ. Nämoinik! Ämawebe Anutu täŋo
Nanakita nadäkinik täk täkaŋ, inta man kudän ɲo mebäri
ɲodeta kudän tänpäŋ tamitat; Inä irit kehäromita biŋam
täkamäŋ yäŋ nadäwut yänpäŋ manbiŋam ɲo
kudän tänpäŋ tamitat.



Matiyu 26-28; Luk 22-24; Jon 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Tuma Irumu Bible (iou) © 2011, Wycliffe Bible
Translators, Inc. All rights reserved.

<https://live.bible.is/bible/IOUTBL/GEN/1>

©2025 Bible for Children, Inc.

www.M1914.org

www.bibleforchildren.org

